



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE PRIZREN

Numri i lëndës: 2018:030381
Datë: 29.06.2018
Numri i dokumentit: 00073371

P.nr. 206/18

NË EMËR TË POPULLIT

Gjykata Themelore Prizren - dega në Suharekë, gjyqtari Robert Tunaj, me sek. Juridike F. Kabashi, në lëndën penale kundër të akuzuarit H. Q. K. nga fshati G., për shkak të veprës penale mbajtja në pronësi, kontroll ose posedim të paautorizuar të armëve nga neni 374 par. 1 të KP, e duke vendosur sipas aktakuzës të PTH në Prizren PP.II.nr.317-11/18 të dt.25.04.2018, në shqyrtimin gjyqësor të mbajtur me dt.28.06.2018, në prezencë të PSH Fatos Ajvazi, të akuzuarit dhe mbrojtësit av. K. M., muarrë dhe publikisht shpalli këtë:

A K T G J Y K I M

I akuzuari H. K., nga i ati Q., e ëma S., e lindur K., i lindur me dt.30.12.1964, jeton në G., punëtor, i martuar baba i tre fëmijve, ka të kryer fakultetin e historis, i gjendjes së mesme ekonomike, me numër personal, shqiptar, shtetas i Republikës së Kosovës.

ËSHTË FAJTOR

Me datën 18.12.2017 rreth orës 18,00, në lokalën e kompanisë turistike “Sh. T.” e cila gjendet në Suharekë, është hasur duke mbajtur në posedim armën e zjarrit në kundërshtim me ligjin e zbatueshëm për armë, në atë menyrë policia e Kosovës – krimet ekonomike të Prizrenit, derisa kanë qenë duke kryer detyrën e tyre sipas planit të përcaktuar nga Drejtoria e tyre, të njëjtit gjatë kontrollimit të ormanëve të zyrës, kanë gjetur 1 (një) armë – revole me nr. serik 11..... të kalibrit 7.65mm, 1 (një) karikator dhe 9 vishekë të armës së njëjtë, e të cilat i mbante pa autorizim dhe leje përkatëse për armën nga organi kompetent.

Këso dore ka kryer veprën penale mbajtja në pronësi, kontroll ose në posedim të paautorizuar të armëve nga neni 374 par. 2 të KP.

Pranohet marrveshja mbi pranimin e fajsis PP/II.nr. 317-11/18 e dt. 25.04.2018 e lidhur mes prokurorit të Shtetit - Prokuroris Themelore në Prizren e nënshkruar nga Kryeprokurori i Prokuroris Themelore dhe prokurori i qështjes në njëren anë dhe të akuzuarit H. K. dhe mbrojtësi av. K. M., në anën tjetër.

Gjykata në kuptim të neneve 43,46,73, si dhe nenit 374 par. 1 të KP, të Ligjit mbi armët, të akuzuarit i shqipton:

DENIM ME GJOBË

Të akuzuarit H. K. ia shqipton denimin me gjobë në shumë prej **600 € (gjashtëqind Euro)**, të cilin denim i akuzuari duhet të paguaj në dy këste të barabarta në afat prej 60 ditësh pas plotëfuqishmeris se këtij aktgjykimi, poqëse denimi me gjobë nuk mund të realizohet as detyrimisht, i njëjti do të zëvendësohet me denim burgimi **prej 30 ditësh**, duke llogaritur për 20 €, të filluar me një ditë burg, konform nenit 46 paragrafi 3 te KP.

Obligohet i akuzuari me shpenzimet e procedurës, në emër të paushallit gjyqësor të paguaj shumën prej 20 € dhe taken për kompenzim të viktimave të krimit shumen prej 30 €.

Obligohet i akuzuari me shpenzimet e procedurës në emër të paushallit gjyqësor të paguaj shumën prej 20 € dhe taksës për kompenzim të viktimave të krimit shumën prej 30 €.

Gjykata në bazë të nenit 374 par. 1 lidhur me nenin 69 të KP, ndaj të akuzuarit Hajdin Kurtishaj, i shqipton dënim plotësues.

MARRJA E SENDIT

Ashtu që prej të akuzuarit mirret revolva me numër serik 11..... e kalibrit 7.65 mm, dhe një karikator dhe 9 fishekë të të njëjtës armë.

Arsyetim

PTH në Prizren me aktakuzën PP.II.nr.317-11/18 te dt. 25.04.2018, ka akuzuar H. Q. K. nga fshati G., për shkak të veprës penale mbajtja në pronësi, kontroll ose posedim të paautorizuar të armëve nga neni 374 par. 1 të KP, aktakuzën të cilin gjate seancës gjyqësore prej fillimit gjer në mbarimin e tij e ka përfaqësuar PSH Fatos Ajvazi, i cili në tërsi ngel pran të dhënave si në aktakuze që i akuzuari të shpallet fajtor dhe të dënohet sipas ligjit, në përputhje me marrveshjen mbi pranimin e fajsis e cila i është bashkangjitur aktakuzës.

Të akuzuarin në këtë qështje penale e ka mbrojtur av. K. M., i cili në seancë për shqyrtimin e marrveshjes ka deklaruar se marrveshja është nënshkruar me vullnetin e lirë të palëve pa kurrfar ndërhyrje apo shtytje nga jashtë, pos vullnetit të lirë të shprehur nga vetë i akuzuari, andaj në përputhje me atë marrveshje kërkoi nga gjykata të akuzuarin të shpalle fajtor dhe të denoi në përputhje me marrveshjen.

I akuzuari gjithashtu në seancën për shqyrtimin e marrveshjes për pranim të fajsis ka deklaruar se ka qenë i vetëdijshëm, i informuar me benificionet dhe pasojat e nënshkrimit të kësaj marrveshje dhe se me vullnetin e lirë në prani të mbrojtjes e ka nënshkruar të njëjtën dhe ka heq dorë nga një gjykim i rregullt, ku do të administroheshin provat, në shkëmbim të një denimi me të butë.

Gjykata në shqyrtimin gjyqësor të mbajtur me dt.28.06.2018 degjoi palet ku PSH ngeli si ne aktakuzë dhe kërkoi nga gjykata të aprovoi marrveshjen mbi pranimin e fajsis dhe të akuzuarit ti shqiptoi denimin e propozuar në marrveshje të rekomanduar në piken IV të marrveshjes, pasi që marrveshtja është nënshkruar me vullnetin e palëve dhe është në përputhje me nenin 233 pika 18 e KPP.

I akuzuari dhe avokati i tij gjithashtu kërkuan që gjykata të aprovon marrveshjen dhe të shqiptoi denimin e rekomanduar në piken IV të saj.

Gjykata ka vlersuar se marrveshja të pranohet pasi që e njëjta është në përputhje edhe me provat materiale që i janë bashkangjitur aktakuzës nga Prokuroria e Shtetit dhe se e njëjta nuk është në kundërshtim me paragrafin 18 të nenit 233 të KPP dhe ka shqiptuar denimin e rekomanduar si në marrveshje.

Vendimi mbi shpenzimet e procedurës u muarrë në kuptim të nenit 452 par. 1 të KPP.

**GJYKATA THEMELORE PRIZREN – DEGA NË SUHAREKË,
P.nr.206/18 të dt. 28.06.2018**

Sek. Juridike
F. Kabashi

G j y q t a r i
Robert Tunaj

UDHËZIME JURIDIKE:

Kundër këtij aktgjykimi palet e pa knaqura kanë të drejtë ankese ne afat prej 15 ditesh Gjykatës së Apelit ne Prishtine, nëpërmes kësaj Gjykate.